

集註分類東坡先生詩

一



上海商務印書館縮印南
海潘氏藏宋務本堂刊本

增刊校正百家註東坡先生詩序

狀元王公十朋 龜齡謨

昔秦延君註堯典二字至十餘萬言而君子譏其繁子襄註周易一書纔二三萬言而君子恨其略訓註之學古今所難自非集衆人之長殆未易得其全體況東坡先生之英才絕識卓冠一世平生斟酌經傳貫穿子史下至小說雜記佛經道書古詩方言莫不畢究故雖天地之造化古今之興替風俗之消長與夫山川草木禽獸鱗介昆蟲之屬亦皆洞其機而貫其妙積而爲會中之文不啻如長江大河汪洋闊肆變化萬狀則凡波瀾於一吟一詠之間者詎可以一二人之學而窺其涯涘哉予舊得公詩以註十註而事之載者十未能五故常有窺豹之嘆近於暇日搜索諸家之釋累而一之剡繁剔冗所存者幾百人庶幾於公之詩有光雖然自八而十自十而百固非略矣而亦未敢以繁言蓋以一人而肩烏獲之任則折筋絕體之不暇一旦而均之百人雖未能各容乎通衢張王乎大都而北燕南越亦不難到此則百註之意也若夫必待讀遍天下書然後各盡韓公策則又望諸後人焉

西蜀趙公 夔 堯卿謨

昔杜預註春秋左傳顏縉註班固漢書時人謂征南祕書爲丘明孟堅忠臣又李善於梁宋之間開文選學註六十卷流傳於世皆僕所喜而慕之者此註東坡詩集所以作也東坡先生讀書數千萬卷學術文章之妙若太山北斗百世尊仰未易可窺測藩籬况堂奧乎然僕自幼歲誦其詩文手不暫釋其初如涉大海浩無津涯孰辨淄澠涇渭而魚龍異狀莫識其名既窮山海變怪然後了然無有疑者崇寧年間僕年志於學逮今三十年一句一字推究來歷必欲見其用事之處經史子傳僻書小說圖經碑刻古今詩集本朝故事無所不覽又於道釋二藏經文亦常遍觀抄節及詢訪耆舊老成間其一時見聞之事有得既已多矣頃者赴調京師繼復守官累與小坡叔黨遊從至熟叩其所未知者叔黨亦能爲僕言之僕既慕先生甚切精誠感通一日夢先生野服乘驢若世之所畫李太白者惠然見訪僕方坐一室中書史環列起而迎見先生頗懷喜曰天下之樂莫大於此了無它語又一日夢與先生對談因問水仙王事即荅以茫昧之語殊不可曉不知何意也僕於此詩分五十門總括殆盡凡偶用古人兩句用古人

一句用古人六字五字四字三字二字用古人
 上下句中各四字三字一字相對止用古人意
 不用字所用古人字不用古人意能造古人意
 能造古人不到妙處引一時事一句中用兩故
 事疑不用事而是用事疑是用事而不用事使
 道經僻事釋經僻事小論僻事碑刻中事州縣
 圖經事錯使故事使古人作用字成一家句灋
 全類古人詩句用事有所不盡引用一時小話
 不用故事而句灋高勝句灋明白而用意深遠
 用字或有未穩無一字無來歷點化古詩拙言
 間用本朝名人詩句用古人詞中佳句改古人
 句中借用故事有偏受之故事有參差之語言
 詩中自有奇對自撰古人名字用古語言用經
 史註中隱事間俗語俚語詩意物理此其大略
 也三十年中殫精竭慮僕之心力盡於此書今
 乃編寫刊行願與學者共之若乃事有遺誤當
 俟博雅君子補而鑄之庶俾先生之詩文與左
 傳漢書文選並傳無窮而僕於杜預顏籬李善
 三子亦庶幾焉雖然尚有可以言者先生之用
 事不可謂無心先生之用古人詩句未必皆有
 意耳蓋習中之書汪洋浩博下筆之際不知為我
 語耶它人之語也觀者以意達之可也

增刊校正王狀元集註分類東坡先生詩姓氏

狀元王公 十朋 龜齡 纂集

豫章黃氏 庭堅字魯直 東溪詩僧 祖可字

黃氏 少度 汪氏 洋字養原

后山陳氏 師道字無己一字 汪氏 章字信民

陳氏 希仲 汪氏 章

陳氏 元龍 汪氏 端本

陳氏 體仁 季氏 翥字希聲

陳氏 德潭 晁氏 中之字

潘氏 大臨字叔老 高氏 荷字子勉

潘氏 大觀字仲達 韓氏 駒字子蒼

謝氏 逸字無遠 楊氏 符字信相

謝氏 邁字幼盤 夏氏 倪字信父

洪氏 弱字駒父 蘄陽林氏 敏功字子仁

洪氏 朋字龜父 林氏 敏修字子敬

洪氏 炎字王父 林氏 子來

饒氏 節字德操 林氏 明仲

臨安李氏 堯復字唐卿 林氏 致約

李氏 彭字商毛 何氏 觀字人表

李氏 厚字德載 真隱詩僧 善權字果中

徐氏 游字節川 曾氏 公家

徐氏 持晦 秦氏 少儀

茗溪胡氏 仔

胡氏 邦衡

西蜀趙氏

雙字堯卿前知縣州

西蜀孫氏 諱字瞻民

西蜀趙氏

以公字堯卿

孫氏 子尚

趙氏 若拙

趙氏 元序

建安劉氏

子肇字彥冲号昇山先生

薛氏 士昭

劉氏 默字共父

薛氏 元肅

沈氏 敦謨

萬氏 先之

曹氏 夢良

萬氏 申之

程氏 續字季長

萬氏 大年

程氏 天祐

永嘉魏氏 雲卿

永嘉丁氏 續叔

龔氏 實之

丁氏 惠安

芮氏 國器

漢陽張氏 狀字叔夫号南軒先生

馮氏 方字蘭仲

歷陽張氏 字祥字安國号于朗居士

俞氏 叔奇

永嘉張氏 器先

毛氏 叔度

吳氏 惠

朱氏 邦翰

吳氏 季南

永嘉項氏 用中

吳氏 明可

西蜀宋氏 援字正輔

吳氏 少雲

宋氏 彦材

永嘉孫氏 彦忠

周氏 成祖

鹿氏 伯可

永嘉葉氏 思文

師氏 尹字民瞻

葉氏 堯卿

任氏 居實字文濡

傅氏 諱字為可號延年

東萊呂氏 祖諱字伯恭分詩門類

王氏 直方字立之

王氏 性之

永嘉王氏 十朋字龜齡集百家註

王氏 壽朋字夢齡

王氏 百朋字昌齡

建寧虞子翁

勝市書堂

增刊校正王狀元集註分類東坡先生詩姓氏

東坡紀年錄

僊谿傳 藻 編纂

公姓蘇諱軾字子瞻一字和仲眉州眉山縣人也
蘇氏出高陽而夢延於天下唐神龍初長史味道
刺眉一子留眉眉有蘇氏自此始公高大父祐曾
大父杲大父序三世皆不顯序三子曰濬曰湊曰
洵洵字明允公父也濬湊皆以文學舉進士而湊
至都官郎中序以湊官故任大理評事致仕累贈
尚書職方員外郎明允少不喜學年二十有七始
發憤讀書六年而大究六經百家之書娶大理寺
丞程文應之女生三子曰景先曰軾曰轍景先早
世嘉祐間明允與公同其季子由至京師父子皆
知名時號三蘇而以老蘇別其父歐陽文忠公得
老蘇著書二十二篇以爲荀卿子文也乃鐵進之
召試紫微閣辭不就遂除秘書省校書郎會修纂
建隆以來禮書授霸州文安縣主簿食其祿與陳
州項城令姚闢同著太常因革禮二百卷書奏未
報卒年五十八 英宗聞而哀之特贈光祿寺丞
公曾大父以公與子由登朝贈太子太保大父贈
太子太傅父贈太子太師程氏追封成國太夫人
公娶鄉貢進士王方之女諱弗亦眉人也追封通
義郡君繼室以其從女弟諱閨之字季章封同安

郡君子三人長曰邁雄州防禦推官知瀛州河間
縣次曰迨次曰過皆承務郎孫男十四人篋符箕
筌籌實發篋符即發軍選筌公有東坡集四十卷
後集二十卷奏議一十五卷內外制一十卷奏議
安日因宮師之學作易傳九卷又作論語說五卷
僊耳又作書傳初公與子由師其宮師最好賈誼
陸贄書後讀莊子以爲得其心晚讀釋氏書深有
所悟參之孔老憚辯無礙浩然不見其涯也宮師
公慶曆間官學四方成國夫人親授公書問古今
成敗輒能語其要比冠學通經史日數千言嘉祐
二年唱第錫宴瑯琊林與蔣魏公接席情話約卜居
陽羨初倅錢塘謫親黨單君貺問田及移臨汝自
言有田陽羨建中靖國初奉祠玉局留毗陵居無
何請老而終公生岷峨負當世大名道德文學政
事輝映今昔自居雪堂遂成求田之計而文登謝
表云買田陽羨誓畢此生乃卒如其言夫豈偶然
者公之薨也兵燹之民相與哭於市君子相與弔
於家計聞四方人皆咨嗟出涕太學士人數百相
率飯僧惠林佛舍公之於文得之於天山公嘗評
云公文字言語歷劫贊揚有不能盡者

景祐三年丙子

十二月十九日卯時公生於眉山縣紗縠行私第

景祐四年丁丑

寶元元年戊寅

寶元二年己卯

康定元年庚辰

慶曆元年辛巳

慶曆二年壬午

先生七歲

是年公知讀書上韓太尉與梅直講書云某七

八歲知讀書祭歐陽文忠公曰某自齠齔以學

爲嬉童子何知惟公我師書誦其文夜夢見之

慶曆三年癸未

先生八歲

是年公入小學道士張易簡爲師見書陳太初

事范文正公文集序曰某始總角入鄉校士有

自京師來者以魯人石守道所作慶曆聖德詩

示鄉先生某從旁竊觀則能誦習其詞問先生

所以頌十一人者何人也先生曰童子何用知

之某曰此天人也邪則不敢知若亦人耳何爲

其不可先生竒其言盡以告之且曰韓范富歐

陽此四人者人傑也時雖未盡了則已私識之

矣又曰以八歲知敬愛公

慶曆四年甲申

慶曆五年乙酉

慶曆六年丙戌

慶曆七年丁亥 先生十二歲

是年公祖父與曾子固書云某逮事祖父祖

父之歿某年十二矣鍾子翼哀詞曰慶曆丁亥

某始年十二先君宮師歸自江南曰吾南游至

虔有隱君子鍾君與其弟既從吾游

是年於所居紗帽行宅隙地中與羣兒鑿地爲

戲得天石研而用之且爲之銘

慶曆八年戊子

先生十三歲

皇祐元年己丑

皇祐二年庚寅

皇祐三年辛卯

皇祐四年壬辰

皇祐五年癸巳

至和元年甲午

至和二年乙未

是年公至成都樂泉先生文集序云某年二十

以諸生見公成都公見待以國士作後正統論

嘉祐元年丙申

先生二十歲

公自蜀舉進士入京鳳鳴驛記云嘉祐丙申舉

進士過扶風六祖賢云嘉祐初舉進士館於興

國寺浴堂老僧德香之院范文正公文集序云

嘉祐元年始舉進士至京師牛口見月訶云忽

懷丙申年京師大雨房

嘉祐二年丁酉 先生三十二歲

春赴禮部文忠公知舉惠時文以說異相高思欲救之梅聖俞與其事得公論刑賞以示文忠公公驚喜欲以冠多士疑曾子固所爲子固文忠公門下士也乃寘第二復以春秋義第一文忠公嘗令晁美叔與公定交謂公必名世且以書抵聖俞曰讀賦書不覺汗出快哉快哉老夫當避此人放出一頭地文忠公未嘗以此許人也公上梅直講書云今年春天下之士羣至于禮部執事與歐陽公實親試之誠不自意獲在第二殿試中丙科升一甲章衡爲榜首賜進士及第遂上所業及上韓魏公富鄭公曾丞相并兩制等書乙應制舉上韓魏公書曰某生二十有二年矣上曾丞相書云某自爲學至于今十有五年祭文忠公曰十有五年乃克見公公爲撫掌歡笑改容此我輩人餘子莫羣我老將休付子斯文四月八日成國太夫人亡計至公丁憂歸

嘉祐三年戊戌

嘉祐四年己亥 先生三十四歲

公服除冬待官師適楚商行前集叙曰己亥之

歲侍行適楚時十二月八日江陵驛書是年荆州上王兵部書曰自蜀至楚舟行六十日過郡十一縣二十有六公由水路至嘉州入嘉陵江由瀘渝沿忠夔等州入峽江故作嘉州過宜賓泊牛口望夫臺仙都觀入峽出峽等詩自荆門出陸由宜城襄陽唐許尉氏至京故作荆陽早發漢水竹葉酒留尉氏阮籍嘯臺許州西湖等詩

嘉祐五年庚子 先生三十五歲

公正月過唐作新渠詩過許見范堯夫文正公文集序曰其後過許始識公之仲子今丞相堯夫是年入都授河南府福昌縣簿不起

嘉祐六年辛丑 先生三十六歲

是年應制科文忠公薦公秘閣試六論舊不起草故文多不工公始具草文義燦然時以爲難又荅制策復入三等授大理評事簽書鳳翔府簽判詩序有曰嘉祐六年予與子由同舉制策寓懷遠驛時年二十有六而子由年二十有三上吳內翰書云今年春天子將求真言之士而某適來調官京師舍人楊公不知其不肖而採其鄙野之文五十篇奏之於天子使與明詔之末上呂龍圖書云某西蜀之鄙人幼承家訓長

知義方粗識名教遂堅晚節兩登進士舉一中
茂材料 冬赴鳳翔任十一月十九日與子由
別於鄭西門之外作詩 十二月作鳳翔八觀
詩其石鼓詩云又十二月歲辛丑我初從政見
魯吏

嘉祐七年壬寅 先生二十七

公在鳳翔 二月分決屬縣囚十三日出府至
寶雞號鄧盤屋四縣既畢事因朝謁太平宮宿
於南溪遂並南山而西至樓觀大秦寺延生觀
仙游潭十九日乃歸所過作詩又作樓觀等十
一題寄子由 七月二十四日禱雨磻溪宿號
縣二十五日渡渭宿於僧舍二十六日至磻溪
自磻溪往陽平二十七日斜谷山下馬磧懷
趙薦及磻龍寺等詩 重九不與府會獨遊普
門寺僧閣有懷子由作詩二十日微雪懷子由
作詩 是年作喜雨亭記又答趙薦并饒歲等
詩并子由不赴商州及和子由蠶市等詩

嘉祐八年癸卯 先生二十八歲

英宗即位 公在鳳翔覃恩轉大理寺丞 是
年作思治論又作授經臺調水符往南溪等詩
治平元年甲辰 先生二十九歲

公在鳳翔磨勘轉殿中丞冬住滿還京至華陰

作詩寄子由

治平二年乙巳 先生三十歲

公在京師差判登聞鼓院

英宗在藩邸聞公名欲以唐故事召入翰林宰
相限以近例召試秘閣及試二論皆入三等除
直史館 五月二十八日夫人王氏卒六月六
日殯于京城外夫人有子邁

治平三年丙午 先生三十一歲

公在京師是年始見范仲淹文正公文集序云
又六年始見其叔彞叟京師 四月二十五日
丁父宮師憂奉柩歸蜀

治平四年丁未 先生三十二歲

神宗即位九月十五日題摹本蘭亭記後

熙寧元年戊申 先生三十三歲

公服除 十月二十六日作四善堂閣記 是
年和子由記園中草木木山引水寄題古東池
綠筠堂等詩

熙寧二年己酉 先生三十四歲

還朝差判官詔院兼尚書祠部 二月送錢
藻守婺詩是年送任叔倅黃王頤赴建寧傳留
別安惇西歸醉墨堂等詩

熙寧三年庚戌 先生三十五歲

公在京師 三月送劉放倅海陵曾鞏倅越詩
十一月二十日送章子平出牧鄭州作詩及叙
是年送呂希道守和文與可守陵王晦夜坐筆詩

熙寧四年辛亥

先生三十六歲

遷太常博士攝開封府推官有能更聲以言事
議論大不協乞外任除通判杭州 五月作張
方平赴南京留臺詩又次韻讀杜詩詩 七月
二日作渦口遇風詩來陳和舟中八詩至陳同
子由過汝陰見歐陽公作石屏燕西湖詩計六
日記所見作詩是月作穎州別子由出願口壽
州李少卿出饒懷州七絕泗州塔龜山洪澤遇
風廣陵會三同舍遊金山等詩 十一月到杭
州作寄子由詩臘月遊孤山訪僧作詩又和李
杞井自和

熙寧五年壬子

先生二十七歲

公在杭州 二月作蔡冠卿知饒詩 三月二
十二日觀花吉祥寺作牡丹記序并詩 閏七
月哭歐陽公於孤山次韻惠思詩是月監試作
呈試官煎茶催考校榜出後等詩 八月十日
夜登望海樓作詩十七日復登作詩 重九日
遊西湖及諸寺所至有詩及不起府會詩 十
月十日作送進士詩序 冬至日遊吉祥寺作

詩後十日復至作詩 十二月以事至湖州與
孫守約有言及時事省罰一大蓋作詩云若對
青山談世事直須舉白使浮君又作幸老求墨
妙亭詩并記又贈寄等詩畫魚歌 是年作墨
寶堂記并和沈立之留別蔡肇見數公韻子由
柳子玉等詩又作送杜子方陳珪感秉道詩

熙寧六年癸丑

先生二十八歲

公在杭州 正月九日作雜興各辭子子駿上
元祥符寺九曲觀燈作詩過僧可久房無燈火
作詩二十一日述古邀城外尋春作詩二十七
日遊風水洞作詩又作李似留待及和等詩
五月望與呂仲甫輩泛湖留北山作詩 八月
望觀潮作詩又再遊風水洞作詩并臨江仙
九月和劉放詩 十二月與李杞因獵遊孤山
作詩 冬以事至姑蘇為王誨作 仁宗御飛
白記又作三瑞堂詩 是年作和陳述古十月
牡丹劉恕見寄錢顗送余及寄孫覺等詩 除
夜宿常州城外作詩

熙寧七年甲寅

先生三十九歲

元日以事過丹陽作寄魯元翰又柳子玉鶴林
招隱并與子玉景純唱和等詩是月秀州贈錢
端公文長老等詩二十九日過毗陵跋李後主

書 五月作錢公輔哀詞又次韻周郊詩 六

月自常潤還所至作詩 秋捕蝗至浮雲嶺作

懷子由詩至於潛作贈毛國華野翁亭綠筠軒

於潛女詩又同年臨安令劇飲井所至諸縣有

詩 九月移知密州是月作勤上人詩集序

十月赴密州早行馬上作必園春 十一月三

日到任 十二月作鳬繹先生文集序 是年

常潤道中懷述古并答述古詩蘇州雨中飲酒

金山飲醉大風留金山留別金山二長老留京

口和蘇守王規甫觀燈什次韻孫巨源水車等

詩自京口還寄述古作卜筮子行香子杭妓迂

新守楊元素寄規甫作菩薩蠻送述古赴南都

作清平樂南鄉子菩薩蠻江神子送述古近元

素作訴衷情述古將去作虞美人荅元素浣溪

沙和元素泛金船移守密和元素南鄉子再過

蘇贈閻丘公顯作浣溪沙過吳興李公擇生子

作城字木蘭花作六客詞爲定風波別公擇作

蝶戀花赴密過蘇有門這回來不來者其色淒

然蘇守嘉之令求詞作阮郎歸潤州和元素菩

薩蠻多景樓與孫巨源相遇作採桑子送巨源

作更漏子離京口呈元素作醉落魄詠衷情得

卿書作蝶戀花代人寄遠作少年遊金山送子

玉作昭君怨贈潤守許仲塗作減字木蘭花別

潤守作南鄉子海州寄巨源作求滿樂 除夜

作贈段屯田詩曰龍鍾三十九勞生已強半

熙寧八年乙卯 先生四十歲

公在密州 上元作蝶戀花二十日記夢作江

神子春檣常山得雨次韻章傳道喜雨詩 首

夏作官舍即事詩 四月十一日作送劉述詩

六月和李常詩 中夏旱再禱零泉皆應如響

作零泉記留別詩 以旱蝗齋素方春牡丹盛

開不獲賞九月忽開一采雨中特置酒作雨中

花 冬祭常山回與同官賀射放鷹作詩和梅

戶曹會獵鐵溝行荅喬太博莫笑銀杯小并唱

和詩又作江神子 是年作趙倅成伯家宴贈

楊姐詩又成伯室誕辰口號後杞菊賦增治城

上故臺名之曰超然作記又作大悲閣記又於

超然臺作望江南送東武令趙晦之歸海州作

減字木蘭花贈晦之吹簫待兒作水龍吟

熙寧九年丙辰 先生四十一歲

公在密州遷祠部員外郎 正月五日跋赤溪

山主頌七日書琅邪篆後立春日請成伯主會

作詩 上巳日流觴於南禪小亭作滿江紅

四月作玉盤盃詩 六月作山堂銘 中秋歡

飲達旦作水調歌頭 十一月朔作李氏山房
藏書記祭山神有文 十二月移知徐州別徐
州東武雪中送章傳道東武道中皆作江神子
除夜留濰州

熙寧十年十已 先生四十二歲

元日早晴雜雜州作詩青州道上大雪作詩
二月三日作送范鎮遊洛詩并次韻是月復與
子由會於澶濮之間相從赴彭城到京作送范
蜀公詩 三月一日與王說會四照亭有倩奴
者求曲遂作洞仙歌喜長春與之明日晉卿送
韓幹畫馬跋以詩 五月到徐州范德孺作滕
縣文正公集序曰其後十一年與其李德孺同
僚于徐 五月六日作寄題司馬君實獨樂園
詩 六月十一日保母楊氏卒 七月十七日
河決八月十一日水及徐城十月五日水退作
河復詩修城擇水以活徐人作黃樓東門之上
二十一日作王說寶繪堂記 重九邀仲屯田
為大水所隔作詩是月作送李邦直修國史詩
十月作表忠觀碑 是年荅任師中詩曰我今
四十二衰髮不滿梳過齊時公擇守齊席上作
南鄉子又作蝶戀花別公擇 子由過中秋而
別作水調歌頭又作書麝公詩後彭城感前約

逍遙堂別觀百步溪詩放鶴亭記

元豐元年戊午 先生四十三歲

公在徐州 三月始識王子高作芙蓉城詩春
旱置虎頭石潭中作起伏龍行謝兩道中作浣
溪沙 四月九日書鮮于子駿美辭後是月次
韻潘師放魚詩 六月題王禹偁碑陰 七月
望觀月黃樓作詩又作眉州遠景樓記二十二
日作滕縣公堂記 八月作詩題張方平詩卷
末 九月王鞏來先作定國將見過詩定國十
日往返作詩幾百篇又登松山荅定國見過見
寄公韻同泛舟獨眠留別等詩九月黃樓作詩
又次韻定國詩又作千秋歲晦日黃樓作鹿鳴
燕詩并叙 十月十二日作日喻望日觀月黃
樓作詩 十一月八日作雲龍山放鶴亭記十
九日作莊子祠堂記 十二月遣人訪獲石炭
作詩又荅田國博詩 冬析雲出城馬上作詩
是年作登雲龍山石盤遊戲馬臺過張天驤山
人訪遊園與梁先左藏舒煉教授顏復長道孫
勉頓起泛舟及唱和又李公擇唱和送梁知莫
州送孫頤頤李等詩又作陽關詞又藏春園贈
田楚州小鬟送顏梁作浣溪沙
元豐二年己未 先生四十四歲

人日獵城南會者十人以身輕一鳥過槍急萬人呼爲韻分得過字又代雷勝鳥字詩十五日作王鞏之祖懿敏公真贊二十四日作思堂記晦日遊桓山作記會者十人以春水滿四澤夏雲多奇峯爲韻分得澤字又代戴道士四字詩二月移知湖州別徐州作江神子 三月至南京馬上作詩二十七日作靈壁張氏園亭記是日作宿州次韻劉涇泗州孫景山西軒舟中夜起次韻高郵秦太虛去金山五年而復至遊常州無錫惠山贈惠山僧惠表秦觀參寥會松江詩 四月二十日到湖州 五月五日遍遊諸寺作詩 是月過賈收耘老水閣作詩又次前韻耘老小妓號雙荷葉作詞七月七日作與可畫簫簫谷偃竹記是月太空中允權監察御史何大正舒置諫議大夫李定言公作爲詩文謗訕朝政及中外臣寮無所畏憚國子博士李宜之狀亦上七月二日崇政殿進呈奉 聖旨後批四狀三日進呈奉 聖旨送御史臺根勘二十八日皇甫遵到湖州追攝過南京文定張公上劉范蜀公上書救之 八月十八日赴臺獄中作寄子由二詩時獄吏必欲寘之死地煨煉久之不決子由請以出身官爵贖之而上亦

終憐之促其獄 十二月二十四日得 旨責檢校尚書水部員外郎黃州團練副使本州安置二十九日受勅

元豐三年庚申 先生四十五歲

正月過陳子由自南都來三日而別與文郎逸民飲作詩十八日蔡州道上遇雪作詩過新息示任師中過淮作詩 二月一日到黃州寓居定慧院之東作初到黃月夜偶出安國寺浴安國尋春海棠土人不知貴二十六日雨中熟睡兩晴後步至西軒壯丹樂著作野步王齊萬寓居竹下開嘯軒杜沂見餉五禽言等詩 四月上文潞公書云某始就逮赴獄有一子稍長徒步相隨其餘守舍皆婦女幼穉至宿州御史符下就家取文書州郡望風遣吏發卒圍船搜取老幼幾怖死既去婦女悲罵曰是好若書書成何所得而怖我如此悉取燒之比事定重復尋理亡其七八矣到黃無所用心輒復軍思於易論語端居深念若有所得遂因先子之學作易傳九卷又自以意作論語說五卷 五月子由來齊安以詩迎之又作曉至巴河同遊西山次韻等詩十一夜夢遊何人家食石芝明日作詩是日遷居臨皋亭作詩 九月望讀戰國策

書商君事二十五日書杜羔事贈朱康叔 十月九日孟亨之置酒秋風亭有雙拒霜獨向君猷而開坐客喜笑以爲非史君莫當此花作定風波又作守倅不飲詩 十二月二日作石氏畫苑記十八日書蒲求昇晝後是月答秦大虛書曰初到黃廩入既絕人口不少私甚憂之但痛自節儉日用不得過百五十每月朔便取四千五百錢斷爲三十塊掛屋梁上平旦用畫叉挑取一塊却藏去又仍以大竹筒別貯用不盡者以待賓客此賈耘老法也答李端叔書云得罪以來深自閉塞扁舟草屨放浪山水間與樵漁雜處往往爲醉人所推罵輒自喜漸不爲人識 是年作勝相院經藏記

元豐四年辛酉

先生四十六歲

公在黃州 正月二十日往岐亭郡人潘古郭送於女王城道上見梅花作詩 四月八日飯僧于安國寺作應夢羅漢記 端午作少年遊贈徐君猷十二日作評書唐林夫六家書後 十月二十二日作聞捷詩并叙是月姪安節來作夜坐冬至日贈安節等詩安節歸以伯父送先人詩人希野店休安枕路入靈關穩跨驢之句爲韻作詩送之 十二月二日雨後微雪君

猷携酒見過作浣溪沙明日酒醒大雪又作二十五日大雪始晴夢人以雪水烹小團茶以獻夢中作回文詩雪後乾明寺宿杭州故人信至作詩 是年馬正卿爲於郡中請得故營地數十畝使得躬耕其中地既久荒墾闢之勞釋耒而歎乃作東坡八詩自是始號東坡居士

元豐五年壬戌

先生四十七歲

公在黃州 正月二日書歐陽公黃牛廟詩後又作文祭與可及堂兄子正十七日夢扁舟渡江中流回望栖霞樓中歌樂雜作舟中人言公願方會客覺而異之乃作水龍吟二十日與潘郭二生出郊記去年是日同至女王城作詩乃和前韻又因至汪氏居作詩 寒食作雨詩有曰我自來黃州已過三寒食徐守分新火作詩春躬耕東坡築雪堂居之擬斜川之遊以淵明歸去來詞隱括爲消遣 五月以怪石供併印作怪石供詩 七月六日與文甫飲家釀白酒集古人句作墨竹詞爲定風波十二日書伯父中郎公啓事後既望泛舟於赤壁之下作赤壁賦又懷古作念奴嬌 九月彭城曹懷子文將往謁見子由求詩贈行重九函暉樓作南鄉子呈君猷 十月望步自雪堂歸於臨臯二客從

之過黃泥之坂復遊赤壁之下作赤壁後賦

十二月十九東坡生日也置酒赤壁磯下踞高峯俯鵲巢酒酣留聲起於江上客有郭古二生頗知音謂坡曰留聲有新意非俗工也使人問之則進士李委聞坡生日作新曲曰鶴南飛以獻呼之使前則青巾紫裘腰帶而已既奏新曲又快作數弄嘹然有穿雲裂石之聲坐客皆引滿醉倒委求詩作一絕句王郎以詩見慶次其韻

元豐六年癸亥 先生四十八歲

公在黃州 正月二十日復出東門用前韻作詩 二月三日點燈會客作詩 上巳日與二

三子出遊隨所見作數句明日集爲詩 七月

望書劉廷式事二十七日生小子選小名幹兒

閏八月作土琴詩 居黃二見重九每歲與君

猷會子栖霞樓君猷將去念此惘然故作醉蓬

萊文作好事近送君猷 十月望書唐林夫筆

說 十一月十二日爲張夢得書昆陽賦十九

日書四歲在子快哉亭作水調歌頭贈張堡佐

元豐七年甲子 先生四十九歲

正月二十五日特授汝州團練副使本州安置

四月一日將自黃移汝以留別靈堂鄰里作滿庭芳

五月作黃州安國寺記又作別黃過江行

武昌用坡亭韻初入廬山二十四日宿廬山廬

山二勝自興國往筠先寄進遠端午遊真

如別子由至奉新等詩 六月九日作石鍾山

記略云余自齊安舟行適臨汝而長子邁將赴

饒之德興尉送之至湖口二十三日舟過蕪湖

七月十八日幼子邁病亡於金陵作詩哭之曰

吾年四十九羈旅失幼子又作同王勝之遊蔣

山詩賞心亭送勝之作漁家傲至真州再和蔣

山詩 十月二十六日書韓魏公詩後 十一

月晦日與劉仲達相逢泗上同遊南山作滿庭芳

芳 十二月同泗州太守遊南山過十里灘作

行香子蕭淵東軒作詩二十四日從劉倩叔遊

南山作浣溪沙二十八日浴雍熙塔下戲作如

夢令 除夜黃師是送酥酒作詩 冬作水龍

吟記子微太白之事 是年和李太白尋陽紫

極宮感秋詩

元豐八年乙丑 先生五十歲

元日雪中過淮謁客作詩四日離泗州表請常

州居住略云一從吏議坐廢五年近蒙恩移汝

州累重道遠不免舟行自離黃州風濤驚恐舉

家重病一子喪亡今雖至泗州而費用罄竭去

汝尚遠難於陸行二十餘口飢寒朝夕與其強

顏忍恥干求於衆人不若歸命投誠控告於君
父臣有薄田在常州宜興縣粗給飡粥欲望

聖慈許常州居住書朝奏夕報可 二月葬保

母楊氏于宋作銘又作薦誠院五百羅漢記妙

峯亭詩蒙恩放歸陽羨後作滿庭芳至高郵作

陳處士畫鴈詩 七月二十五日金山贈杜介

詩又作妙高臺夢中作與元老等詩京口作王

中父哀詞至常州作與孟震遊僧舍贈報恩老

歸宜興留題竹西寺等詩 哲宗即位復朝奉

郎 八月十七日得旨除知登州 九月書楞

伽經後過密題高麗亭次韻趙明叔喬禹功和

昔年留別超然臺贈密守翟翔詩 十月十五

日到登州二十日召爲禮部員外郎作孫氏松

堂遺直坊等詩晦日作海市詩過萊州雪後望

二山作詩過濟州作真相院舍利塔銘 十一

月七日書吳道子畫後 是月到京供禮部職

十二月以七品服入侍延和賜緋魚除起居舍

元祐元年丙寅 先生五十一歲

公在京師 正月除中書舍人辭免狀云臣頃

自貶所起知登州到任五日而召以省郎半月

而擢爲右史云云 今又冒榮直接躡等驟遷非

惟其人既難以處不試而用尤非所安 二月

八日朝退獨在起居讀儒林傳感申公事作小

詩 閏二月八日題子由日本扇詩後 四月

作法堂寺鐘銘 九月一日司馬溫公薨作祭

文行狀 十月十二日書黃泥坂辭遺王晉卿

是日除翰林學士知制誥 十一月供翰林學

士職尋除侍讀召入院九日考試館職與聖求

會宿玉堂作武昌西山詩 十二月五日與狄

諫同館北客書狄武襄事

元祐二年丁卯 先生五十二歲

公在翰苑 每時各有內制 九月一日作石

舍人北使序十五日遷英殿講論語終篇賜御

書詩翌日進詩又進讀故事八說十九日作祭

王宜甫文 十二月作送喬全寄賀水部詩賀

五代人得道不死全曰吾師嘗於密州識君於

常山道上意若舊君 是年作司馬溫公神道

碑又作富鄭公神道碑又作趙清獻公神道碑

鄭公以元豐六年閏六月二十一日薨于洛陽

至是其子紹庭請于朝命公撰碑清獻公以元

豐七年八月二十六日薨于杭至是其子玘請

于朝命公撰碑又作贈寫真道士李得素曰五

十之年初過二衰顏記我今如此

元祐三年戊辰 先生五十三

公在朝苑 每時各有內制 知貢舉會太監
士坐庭中禁不能言公寬其禁約而經鋪內臣
過爲凌辱傷動士公奏撻而逐之士皆悅服
試院次韻魯直書寫送李方叔作詩 二月八
日夜會于伯時齋舍書鬼仙詩 三月三十日
同錢穆父遊金明池始見其雪中詩因次韻
四月五日跋宋漢傑畫 五月一日與子由同
轉對次韻子由詩 九月十八日作文驥字說
卧病逾月請郡不許復直玉堂 十一月一日
鑾院是日苦寒詔賜官燭法酒呈同院作詩
十二月六日書詩人寫物之功付過八日龍興
節侍宴前一日微雪與子由王定國清虛堂小
飲作詩 立春日賜幡勝次韻劉貢父詩
元祐四年己巳 先生五十四歲

上元日侍宴端門次韻王晉卿詩 內制止於
三月 二月二十二日奏告東太一宮十神
祝文 是月三上章乞越州三月得旨以龍圖
閣學士左朝奉郎知杭州

公直玉堂有贈送次韻和答之詩幾數百篇
以歲月未分先後難辨姑輒闕之以俟它日
四月十六日跋邢敦夫賦十七日書 太宗賜
守臣御書翁子後二十一日作范文正公文集

叙所謂又十三年乃克爲之者也 重九日和
蘇堅點絳唇 冬至日作書文登石澗道懸堂
老人詩是年作范蜀公墓誌銘蜀公以元祐三
年閏十二月薨又作去杭十五年復游西湖莫
同年雨中飲湖上同秦仲二子游寶山書辨才
白雲堂壁文登石澗梅子明參寥得智果院分
韻等詩又送子由使契丹詩云單于若問君家
世莫道中朝第一人子由過虜往往有問公安
否子由至涿州寄詩曰誰將家讀到燕都識底
人人問太蘇莫把聲名動蠻貊恐妨它日卧江
湖又次韻子由涿州詩
元祐五年庚午 先生五十五歲

公在杭州 二月十七日書高麗公案二十六
日過金文寺再觀李西臺詩書其後二十七日
作參寥泉銘 寒食次韻劉景文周次元同游
西湖詩 三月八日同楊次公過劉景文題文
忠公墨跡 四月十八日真覺院賞枇杷作詩
又和景文韻 重九日再和蘇堅前年點絳唇
韻又次韻伯固詩十七日書醉道士石詩十八
日書朱象先畫後 十二月八日作六一泉銘
十二日同景文義伯聖從遊七寶寺題詩竹上
除夜作獄空詩和通守時韻 是年作垂雲花